


LA QUOTIDIANA

FMR Fundaziun Medias Rumantschas, Via da Masans 2, 7000 Cuira, 081 544 89 11, redacziun@fmr.ch

**Annuario en dus idioms**

Dacurt han ils redacturs dal «Calender per mintga gi» preschentà la 102avla edizion da l'annuario che cumpara en per sursilvan e sutsilvan. [Pagina 4](#)

**Ina refurma senza opposiziun**

Dumengia vegn votà davart ina gronda refurma da giustia grischuna – inclusiv in nov sez da la dretgira. [Pagina 3](#)

FMR FUNDAZIUN MEDIAS RUMANTSCHAS
südostschweiz

SURSELVA**Falera fa in pass en direcziun «La Mutta»**

La radunanza communal da Falera ha approbau il vendergis vargau dus credits a favor dil project turistic planisaus dapi onns all'entrada dil vitg. Grazia alla decisioù unanima dalla radunanza communal sa la vischnaunca separticipar alla societad La Mutta SA che vul realisar a Falera in ressort turistic semeglionts al Rock Resort a Murschett. E la vischnaunca sa cumprar il terren necessari per bagheggiar las 150 habitaziuns administradas inclusiv gastronomia. Il president communal, *Wendelin Casutt* ei satisfatgs dil ferm sustegn dalla radunanza communal pil proiect «La Mutta». (fmr/ac) [Pagina 4](#)

ENGIADINA**Clementina Gilly, la poetessa singulera**

Rico Valär ho preschanto il cudesch da e sur da Clementina Gilly - üna poetessa ün po schmantscheda.

FOTO MAYK WENDT

Sanda passeda ho gieu lö a Zuoz üna commemorazion per il 80evel di da mort da la poetessa ed autura Clementina Gilly (1858-1942). Passa 40 persunas sun seguidas a l'invid e vulaivan gnir a savair dapü da la poetessa zuozingra, ch'è ida ün pòin in schmanchaunza. «Da sieu temp – ed eir our da la perspectiva odierna – es Clementina Gilly üna poetessa singulera. Na be per l'Engiadina, dimpersè per tuot la Rumantschia», ho dit *Rico Valär*, professer da rumauntsch a l'Universited Turich. Insemla cun *Annetta Ganzioni* ed *Edith Prescott* ho el i'l ram da la commemorazion eir preschanto lur nouv cudesch «Clementina Gilly: Trauner di e not». Cun «Fruonzla» vaiva Clementina Gilly pubblico scu prüma duonna ün cedesch in rumauntsch chi d'eira cumparieo dal 1926. Ma ella s'ho eir missa aint per la pusizion e la scolaziun da las duonnas in Engiadìn' Ota e s'ho ingascheda per la cultura e lingua rumauntscha scu poetessa, traductura, schurnalista e publicista. (fmr/cam) [Pagina 7](#)

GRISCHUN CENTRAL**Saira d'infurmazion per center da seniors**

La suprastanza dal cumin da Vaz ha infurmà ils davos dis la populaziun davart il pli nov project da votaziun. Questa dumengia vuscha il suveran sur dal center da seniors. Encunter quel datti pauca critica da vart da la populaziun. Pli criticas èn las vuschs dentant tar ils plans dad er anc stgaffir spazi per butias en quest complex. Il mastral *Maurin Malär*, *Thomas Parpan*, parsura dal departament da construzion e *Walter Büchi*, il manader construzion, han dà pled e fatg a Lai ed a Zorten. (fmr/gns/sb) [Pagina 8](#)



10047
Servetsch d'abunents e da distribuzion: tel. 0844 226 226
mail: abo@omedia.ch

In suprastont vegn – in auter va

La vischnaunca Lumnezia ha annunzia via Fegl Ufficial Surselva d'haver anflau cun Gian Caduff in candidat per la suprastanza communal. E dasperas ha ella stuiu annunziar la demissiun immediata dil suprastont Renzo Blumenthal.

ANDREAS CADONAU/FMR

Renzo Blumenthal ei già il tierz suprastont dalla vischnaunca Lumnezia che seretrai anticipadamein da siu post el decours dalla perioda d'uffeci 2021 entochen 2024. Renzo Blumenthal ha surpris sia incarica communal il zer-cladur 2021 per *Georg Derungs* che ha banduan la suprastanza già all'entschatta dalla legislatura. Il matg targau ha *Martin Rupp* dau adia alla suprastanza, per motivs personals, sco igl ei stau d'endriescher. Per Martin Rupp ha la vischnaunca anflau in successur, sco igl ei stau da leger el Fegl Ufficial Surselva il vendergis

«La vischnaunca funcziuna ed ella funcziuna fetg bein.»

Daniel Solèr,
president communal Lumnezia

vargau. Il suveran lumnezian ei envidaus d'eleger ils 27 da novembar 2022 *Gian Caduff* sco successur da *Martin Rupp*. Il president communal *Daniel Solèr* puntuescha che las demissiuns seigien succedidas per motivs personals. «Igl ei buc aschia che nus havein dispetta enteifer la suprastanza.» El conceda denton che las midadas en suprastanza e tiel persunal communal fatschentien fetg, ton la suprastanza sco l'administraziun. E tuttina gi *Daniel Solèr*. «La vischnaunca Lumnezia funcziuna ed ella funcziuna fetg bein.» Era grazia agl engaschi dil persunal communal sco quei ch'il president communal accentuescha. [Pagina 5](#)

«... trer la faultsch communal a netgamein el canvau.»

Senza dubi in bel maletg – la «faultsch communal». Però co guarda quella ora exact? – Pagina 5

**La premiada sto ussa ir a la lavur**

Selma Mahlknecht, l'autura e reschissura che viva dapi var diesch onns a Zernez, è vegnida undrada questa sonda a Zuoz cun l'emprim «Premi Travers Zuoz». Atgnamain n'è quest premi però betg in premi en il senn classic, mabain plitost ina incumbensa da lavur. Selma Mahlknecht survegn ussa il «spazi» finanzial da 15 000 francs per elavurar ses toc teater victur en vista a l'emprim «Festival Travers Zuoz» ch'ha lieu dal 2023. (fmr/dat) [Pagina 2](#)